

Թիւն ձեր մեծաւ յօժարութեամբ թողումք ձեզ զյանձաորութիւն ձեր առ մեզ. բայց որովհետեւ ամենայն յանցանք քաւեալ լինին կատարեալ զղջմամբ, և հանգստութիւն հասարակաց միաբանութեան մերոց յարգելու զվերադարձն ձեր ի Սուրբ աթոռս Էջմիածին մեք ալսու կոնդակաւ մերով ծանուցանելով ձեզ, թէ անհրնար է ձեզ վերադառնալ այսր ի Սուրբ աթոռս մինչեւ ցմահ ձեր կամ դանէ ցմերն¹⁾, զի գրեալ է զփորձեալն վերստին փորձելն լիմտրութիւնէ՝. հրամայեմք ձեզ յանձն առնուլ զպաշտօն յաջորդութեան վիճակին տեղոյդ, և զՊետրոս վարդապետն ունիլ առ ձեզ ի կոչման գործակալի ձերոյ. թէ հաճես՞իք դուք ընդ այն թէ ոչ. առաքես՞իք զնա այսր: Բայց եթէ հակառակես՞իք դուք մերումս, վասն ձեր բարերար կամաց, զայն եւս ծանուցանեմք ձեզ, զի դուք ունիք մնալ ալդր ի վանս ո՛չ իբրեւ միաբան վանիցդ, որոյ վանահայրն կամ յաջորդն ունիցի զձեզ ամենայն յարգանօք, որ վայելն է ծերութեան ձերում և պատուոյդ. ալ մի կարասիք դիմել այսր ի Սուրբ աթոռս²⁾ կամ յալլուր առանց յատկապէս հրամանի մերոյ. ի հաճիլն ձեր ընդունիլ զպաշտօն յաջորդի գրես՞իք մեզ, զի մեք կարասցուք օր յառաջ գրել կօնդակ ծանուցման և առ Ժողովրդականսն տեղոյդ, զի նոքա ունիցին առ ձեզ զպարտու պատշաճն հնազանդութիւն և յարգանս:

№ 79. ի 2 մարտ. 1835 ամի ի սուրբ Էջմիածին:

ԿԱԹՈՒՂՈՍՈՍ ԱՄԵՆԱՅՆ ՀԱՅՈՑ

ՅՕՏԱՆՆԻՍ

¹⁾Այս է 55 տարւայ ծառայողի վարձն. վաճ մեզ, որ 45 տարի ենք ծառայել ց1895: Մ. Ե. Ս

²⁾Փառք Աստուծոյ, այսպիսի բռնութիւնք և անկարգութիւնք վերացել և հեռացել են հոգեւորականութեան միջից: Աստուծով կը կարգաբերուին և շրջակայք իւր՝ զբքիս մէջ պատմութիւնն հինգ կաթօղիկոսաց՝ բուսեալ ի 1850—ց1895: